

Di encama hilbijartina seranserî ya 22.07.2007'an a Turkiyê de, 23 berendamên Kurd bi fermî wekî parlamantar hatin hilbijartin. 9 kes ji 23 palearmanerên Kurd jin in.

Parlemana Turkiyê 550 kursî hene. Di wê hilbijartinê de, AKP'ê dengên herî zêde(341) bidest xist. Partiya Civaka Demokratîk (DTP) piştgirî dabû berendamên Kurd û dixwazîn koma (Feraksyona) Kurd di Parlemana Turkiyê de ava bikin.

GAVEK HEYA MIRINÊ DI RÊYA AZADIYÊ DE

Daxuyaniya Deftera Siyasî...



2

Bîranîna Mirovê Aştî û Diyalogê Dr. Abdülrehman Qasimlo



3

Bîrêz Nesrîn Qasimlo Di Hevpeyivneke Taybetî De



5

Dr. Yekta: Xetera Helebceyek Nû Heye



7

DEMOKRASÎ



9



Roja 17'ê Tîrmeha 2007'an, ji aliye dadgeheke nepenî û bê parêzer ya rejîma Komara Îslamî ya Îranê biryara neadilane ya îdamê bi ser rojnamevanê Kurd **Ednan Hesênpur** û çalakê sivîl yê Kurd **Hîwa Botîmar** bi buxtana hebûna têkiliyan tevî partiyên siyasî yên Kurdistanê hate sepandin.

Ev biryara rejîma Îslamî ya Îranê bû sedema pêkhatina pêlek mezin û berfireh ya nerazîbûn û şermezarkirinê di asta Kurdistan, Îran û rojeva navneteweyî de. Navend û civatên ne dewletî û çalakên mafên mirovan, nivîskar û rewşenbîrên Kurdistanê Îranê, Partî û rêxistinên Kurdistanî, kom û civatên navneteweyî yên parêzvanên mafên mirovan, rayedar û berpirsiyarên gellek welatên cihanê ew biryara rejîma Îslamî şermezar kirin û daxwaza betalkirina biryara îdama han kirine.

Di vê derbarê de kampanya înzayan hatiye lidarxistin û pêvajoya bona vê armancê berdewam e. Çend daxuyanî di vê derheqê de, di vê hejmara Agirî (68) de hene. Herweha li ser malpera me berfirehiya nûçe û çalakîyên vê derbarê de bixwînin.

7 Sal û Nîv Ceza Ji Bo Leyla Zana û Hevalên Wê

Serdozgerê dadgeha bilind a temyîzê daxwaz kir ku biryara dadgeha cezayî ya ku 7 sal nîv cezayê zîndanê daye Leyla Zana, Hatip Dicle û Selîm Sadak, bê tesdîqkirin.

Wek tê zanîn Leyla Zana û hevalên wê di dema parlementerîya DEP-ê de bi tawanê ku endamên rêxistina terorê ne, hatibûn berdadkirin û dadgehê 15 sal cezayê zîndanê dabû wan. Ew deh salan di zîndanê de mabûn.

Piştî dadgeha bilind bi sedemê kêmasiyên lêpîrsînê ev biryara xera kiribû, ew ji zîndanê hatibûn berdan, lê dadgehê careka din dest bi berdadkirina wan kiribû û biryara 7 sal û nîv cezayê zîndanê ji bo wan dabû.

Parêzerên hersiyar bi daxwaza beraatkirinê û xerakirina vî cezayî serî li dadgeha bilind a temyîzê dabû. Duh serdozgerê (baş savci) dadgehê daxwaz kir ku ev 7,5 sal ceza bê tesdîqkirin.

Niha biryar ê ji bal daîreya 9-ê a dadgeha bilind a temyîzê bê dayin.



Deftera Siyasî Ya PDK Îranê Derkirina Biryara Îdamê Ji Bo Rojnamevanên Kurd Şermezar Kir

J i bo /Kom û komeleyên navneteweyî: **Konseya Ewlekari ya**

Rêxistina Neteweyên Yekbûyî!
Rêxistina Efûya Navneteweyî!
Parlemana Ewropayê!
Rêxistina Parêzvan ya Mafên Mirovan!

Civata Cîhanî ya Qelem(PEN) û Rêxistinên Mirovhez!

Di roja 17.07.2007'an de, rejîma dijî azadî û mirovahiyê ya Komara Îslamî a Îranê hukmê neadilane û cihê tirsê yê îdamê bi ser rojnamevanên Kurd, **Ednan Hesenpûr** û **Ebdulwahid Botîmar**, sepandiyê û ew biryare ji malbata Ednan Hesenpûr re ragihandiyê. Eva di halekê de



ye ku Ednan Hesenpûr, endamê Civata Nivîskarên Kurdistanê ye û piştî çendîn mehan girtin û îşkencekirina wan, niha ji girtîxaneyê Merîwanê ji bo ciheke ne xuya

hatine veguhastin.

Di van çend mehên dawiyê de, rejîmê dest yê daye girtin û zîndanîkirina hejmerek ji rojnamevan û azadîxwazên din ên Kurd ji kiriye û dixwaze bi vî awayî hawara mafxwaziya rewşenbîrên vî gelî bêdeng bike.

Em daxwazê dikin di vê rewşa bi xeter û cihê tirsê de ku ji bo rewşenbîrên Kurd hatiye holê, wan di çepera berxwedanî tevî rejîma dîktator û terorîstperwer ya Komara Îslamî, bi tenê nehêlin û bi merema pêşgirtin ji meşandina hukmê îdama Ednan Hesenpûr û Ebdulwahid Botîmar û her wiha girtina rojnamevanên din ên Kurd nerazîbûna xwe bidin xuyakirin û zext û givaşanîn bo rejîmê bi merema serbestberdana wan kesan piştî azadîxwazên gelê Kurd bigirin.

Partiya Demokrat ya Kurdistanê

Deftera Siyasî
18.04.1386
13.07.2007

X ortên neteweya Kurd! **Kurdistanîyên bi şan û şeref!**
Hukmê kuştin, teror û tirsandina

xortên neteweya me îcar ji Rojhilat ve rabûye. Vê carê li hember peyvê de hukmê gule û sêdarê bi ser rojnamevan û çalakên sivil ên Kurd hatiye dayîn.

Roja sêşem, 17.07.2007'an, dadgeheke rejîma totalîter û azadîkuj a Komara Îslamî ya Îranê li Sine, di biryareke ne adilane û dîktatorane de, biryara îdamê ji bo rojnamevan **Ednan Hesenpûr** û çalakê sivil **Hîwa Botîmar** der kiriye.

Diyare eva ne cara yekemîn e ku hukmê bi vî awayî li ser xortên neteweya Kurd li Rojhilatê Kurdistanê tê dayîn. Ji dema serkar hatina Meleyan heya niha hukmê îdam û daliqandinê bi ser hezaran xûşk û birayên me di vê parçeyê Kurdistanê de hatiye sepandin û li ser wan hatiye çibîckirin.

Ev cinayet û serberedayînen desthilata hakim di nav Îranê de xwe negirtiye, belkî sînorên wî welatî bezandiyê û komek rêberên navdar û sedan xebatkarên Kurd li derveyî tixûbên Îranê bi biryara berpirsiyarên mezin û bilind ên Komara Îslamî teror kiriye.

Derkirina biryara îdamê ji bo rojnamevan û çalakên sivil ku tenê çeka destê wan pênuş û peyv e, ji aliyekê hov û dirindeyîya bêrade ya rejîmê dide xuyakirin û ji aliyê din ve guhnedan û ne parastina biryarnameyên li pey hev ên Komîsyona Mafên Mirovan ya Rêxistina Neteweyên Yekbûyî e ku dehan caran Komara Îslamî derheq binpêkirina mafên mirovan şermezar kiriye.

Sepandina hukmê îdamê li ser biryarên li Rojhilatê Kurdistanê, rewşa wekî hev a jiyana xortên neteweya me li hemû Kurdistanana bin destê dîktator û desthilatdarên serberedayî û çarenivîsa hevbeş ya me nîşan dide.

Lewra, em nûnerên ew partî û rêxistinên Kurdî û Kurdistanî yên ku ev daxuyaniya hevbeş wajo (îmza) kirine, serbarê mehkûm û şermezarkirina tund ya biryara bêdadgeh a Komara Îslamî, em daxwaza betalkirina her çiqas zû ya vî kumî û serbestberdana Ednan Hesenpûr û Wahid Botîmar û hemû girtiyên

Di Daxuyaniyekê De, 12 Partiyên Kurdî û Kurdistanî Biryara Îdama Ednan Hesenpûr û Hîwa Botîmar Şermezar Kirin



Hîwa Botîmar



Ednan Hesenpûr

din ên siyasî dikin.

Em ji hemû kom û komeleyên navneteweyî weke: **Konseya Ewlekariya Rêxistina Neteweyên Yekbûyî, Parlemana Ewropayê, Rêxistina Efûya Navneteweyî, Rêxistina Parêzvan a Mafên Mirovan, Civata Cîhanî ya Qelem(PEN) û tev rêxistin û saziyên mirovhez dixwazin ku bi hemû awayekî mumkin Komara Îslamî a Îranê ji bo hilgirtina vî hukmî û serbestberdana Ednan Hesenpûr û Wahid Botîmar bixe bin zext û givaşê.**

Em di xem û nigeraniya malbat û ezizên Ednan û Wahid de, şirik û hev xem in.

21.07.2007

Partiya Demokrat a Kurdistanê

- Saziya Xebat a Kurdistanê

- **Partiya Sosyalîst a Kurdistanê – PSK**
- **Rêvektina Demokratîk ya Kurd li Sûriyê – Wifaq**
- **Partiya Pêşverû ya Demokrat a Kurd li Sûriyê**
- **Partiya Yekîtiya Demokrat a Kurd li Sûriyê**
- **Partiya Azadiya Kurd li Sûriyê**
- **Partiya Demokrat a Kurd li Sûriyê – El Partî**
- **Partiya Welatparêzên Demokrat ên Kurdistanê - PWD**
- **Partiya Demokrat a Kurd li Sûriyê**
- **Partiya Azadiya Kurdistanê – PAK**
- **Partiya Demokrat a Kurdistanê – PDK Bakûr**

Ronkirinek Derheq Hevpeyvîna Gumanbar Ya Erfan Qaneî Ferd Tevî Mela Ebdula Hesenzade

Di van rojan de ku Kurdê Îranê li tevî cihêkê bi boneya 18'hemin salvegera terorkirina rêberê mezin yê gelê Kurd, Dr. Ebdulrehman Qasimlo bi destê dîplomat terorîstên Komara Îslamî ya Îranê li ser maseya gotûbêjê li Viyenê, bi her awayekê ku ji wan re çê bûye kerb û bêzariya xwe ji vê rejîmê dida xuyakirin û ew cinayet mehkûm û şermezar dikir, rapora hevpeyvîneke Ebdula Hesenzade di malpera "Entekhab"ê de hate weşandin, qirar e esla hevpeyvînê jî di rojnameyêke yan çend rojnameyên Îranê de were belavkirin.

Ebdula Hesenzade di vê hevpeyvînê de, ji bo gotûbêjê tevî Komara Îslamî a Îranê amadebûna xwe daye xuyakirin.

Bernameya karê Ebdula Hesenzade û eva jî ku li cihêkê wan gotinên xwe bi derew derdixe û li cihêke din tekezê li ser wan dike, pêwendî bi wî bi xwe ve heye û qezawetkîrin li stûyê xelkê Kurdistanê ye.

Lê ewa ku em dixwazin bas bikin, çend ronkirinek li dor belavbûna van nûçeyane ji bo raya giştî ye:

1. Malpera "Pukmedia"ê roja 15.04.2007'an dinivîsîne: Ebdula Hesenzade Sekreterê Giştî yê Partiya Demokrat ya Kurdistanê Îranê..."

Ebdula Hesenzade piştî Kongireya 13'hem ya PDK Îranê, di Tîrmeha 2004'an de, çî berpirsiyariyek di rêberiya partiyê de nema û di meha Sermaweza



1385(06.12.2006)'an, cudabûnek di nava PDK Îranê de çê kir û piştê xwe wekî Sekreterê wê partiya nû sepand.

2. Birêz Erfan Qaneî Ferd bona vê yekê ku derheq belavbûna vê hevpeyvînê ji bersiva nerazîbnûna xelkê Kurd xwe veşêre, penayê dibe ber hevpeyvînekê ku bi gotina xwe, sala 2003'an tevî Sekreterê Giştî yê PDK Îranê, rêzdar Mistefa Hicrî kiriye. Piresk ku vira berbirûyî Qaneî Ferd dibe, eva ye ku gelo ew wekî rojnamevanekê vê yekê dirust dizane ku hevpeyvîna çar salan berî niha bike pîvana analîz û şîroveya îro, di halekê de ku di van çar salan de gellek guhertin bi ser Îran, herêma û cîhanê de hatine?

3. Sebarê vê çendê jî, birêz Mistefa Hicrî, niha jî li ser ew gotinên ku wî çaxî di wê hevpeyvînê de kirine, tekezê dike û

niha jî bawerî bi wan heye. Lê Qaneî Ferd di şîroveya xwe derheq weşandina dubare ya hevpeyvîna kekê Mistefa Hicrî de dinivîse: "... û armanca weşandina dubare tenê hûrbûn di dîtin û nêrînên dijhev ên Hesenzade û Hicrî ye ku yê yekê [Hesenzade] dijberê biyaniyan û heta bihosteke xaka welatê xwe nade û yê duyê [Hicrî] berevaj e." Piştî vê çendê Qaneî Ferd dinivîse "Erk û wezîfeya lêkolînanê dîroka hemdem, dubarekirina bêaliyane û rastbêj ya gotinan e..." [Gotinê Erfan Qaneî Ferd ji Farsî hatine wergerandin]. Li vir pirs ji wî lêkolînanê bêalî û rastbêj eva ye ku, bila nişan bide ku birêz Mistefa Hicrî, li kudera hevpeyvînê de rizamendiya xwe xuya kiriye ku "weceb (bihustek) ji xaka welat daye"?

Di dawiyê de em dibêjin:

Bervara hevpeyvînê, qirarê belavbûna wê di rojnamevanên Îranê de, ew jî di vê demê de ku bi dehan rojnamevan bi sûç û tawana daxawaza mafên xelkê ên herî destpêkî rapêçî girtîxaneyan tên kîrin û birayar lidarvekirinê ji bo wan derdikeve, kulafeyê hinde pêç û xwar nine ku xelkê Kurd jê fêma nekin û bêdengiyê jê bikin.

Lewra bila Qaneî Ferd bizane ku sedema nerazîbnûna xelkê Kurd di vê gêre û kêşê de, "çarçoveya hişk û bertesk ya hiş"ê xelkê nine, belkî hişyariya wan eva ye ku mû di nava mast de dibînin.

Partiya Demokrat ya Kurdistanê

Îranê
Sekreterîya
19.07.2007
28.04.1386

Bîranîna Mirovê Aştî û Diyalogê Dr. Ebdulrehman Qasimlo

Reşoyê Pîrê

Dema Îran ji hêla hêzên hevband ve, di sala 1941'an de tê dagirkirin, pir guhartin pêk tên. Kurd wek netewe jî, hestê netewî li ba wan bilind dibe. Lewre jî, di sala 1945'an de, ji hêla nemir **Qazî Mihemed** û hin Kurdperweran ve, PDK Îranê tê damezrandin. Di demeke kurt de, PDK Îranê di nav gelê Kurd de, gul vedide û bi hezaran xort di nav refên partiyê de, cî digrin.

li Urmiya – Kurdistanê Îranê –

Mihemed Axayê Wisoq, Kurdperwerekî bi nav û deng bû. Mihemed Axa di temenê 63 saliya xwe de, dizewice. Di 22'ê Tebaxa 1930'î de, -ji wê pîrekê- **Ebdulrehman Qasimlo** ji dayîk dibe. Di wê malê de, bi hestê Kurdperwerî perwerde dibe. Xwendina xwe ya seretayî û navîn, li Urmiyê kuta dike.


Li Urmiyê, temenê E. Qasimlo, wê hîngê negihabû panzdeh salî, xebata xwe ya siyasî -bi hevalên xwe re - sala 1945'an bi avakirina **Yekîtiya Cîwanên Demokrat ên Kurdistanê Îranê** li bajarê Urmiyê dest pê dike û dibe endamê PDK Îranê.

E. Qasimlo, di sala 1946'an de, ji bo

xwendinê, berê xwe dide Tehranê û di sala 1948'an de, ji bo domandina xwendinê, li Parîsê bi cî û war dibe.

Piştî teqekirin li Şah li Tehranê, li Parîsê li dijî siyaseta desthilata Şahê Îranê, civîneke xwendekarên Îranê li dar dikeve, di wê civînê de, E. Qasimlo, bi hîz û berfirehî li dijî siyaseta rejîma Şah radiweste û li dawiyê nameyek ji wê civînê ji Şah re tê şandin. Li wir, bi alîkariya hin xwendekarên Kurd, E. Qasimlo Komeleya Xwendekarên Kurd li Ewropa ava dike.

Bi boneya wê civînê û ji ber berjewendiyên xwe bi Îranê re, dewleta Fransa çavsoyîya xwe li E. Qasimlo xuya dike, lewre, Qasimlo ji neçarî diçe **Piragê**, paytexta Çekoslovakiya. Li zanîngeha Piragê, xwendina xwe ya lîsansê, beşê civak û konevaniyê kuta dike. Di sala 1952'an de, dema desthilata Dr. Mihemed Musediq, ji bo xebata gelê Kud û gelên Îranê, birêz Qasimlo vedigere Îranê. Piştî rûxandina hukûmeta M. Musediq, xebateke dijwar, dijî desthilata M. Riza Pehlewî dike. Piştî pênc sal ji xebatê, ji nû ve birêz E. Qasimlo, berê xwe dide Ewropa. Li zanîgehên Parîs û Çekoslaviya doktora – beşê aborî- distîne û piştê li zanîgehên



13'ê Tîrmehê daxêke reş di eniya rejîma Îranê de ye

Parîs û Piragê mamostetiyê dike.

Li Ewropa, di ber xwendina xwe re, bi dil û can, bi kar û barê partiya xwe radibe û di navbera Ewropa û Kurdistanê de, tê û diçe. Di kongireya sêyemîn ya PDK Îranê de, Ebdulrehman Qasimlo wekî Sekreterê Giştî tê hilbijartin. Li ba Ewropiyar, Dr. Qasimlo, wekî siyasetsvanekî pispore di doza Kurdî de, tê nasîn.

Piştî daxuyana 11'ê Adara 1970'an ya di navbera desthilata Îraqê û PDK'ê de, Dr. Qasimlo ji bo birêvebirina rêxistina PDK Îranê, ew û hin hevalên xwe, li Kurdistanê Îraqê bi çî û war dibin.

Bi xebata hemû gelên Îranê textê rejîma M. Riza Şah, di Şibata 1979'an de, hildiweşe, Xumeynî ji Fransa vedigere û desthilatê distîne û gelên Îranê ji zilm û zora rijîma Pehlewî rizgar dibin. Di wê demê de, piraniya zewiyên Kurdistanê Îranê, bi xêra lihevkerina **PDK Îranê û Komelê** ketin destê Kurdan.

E. Qasimlo vedigere Kurdistanê Îranê. Bi hestekî berpirsiyar û zanistî, li ber pirsra Kurdî, di Kurdistanê Îranê de radiweste û bi bîr û bawerî ew û hevalên xwe, pirogirameke aqilmend, li gorî merc û heyamê heyî, ji Kurdan re datînin. Û dirûşma - Demokrasi ji Îranê û Otonomî ji Kurdistanê re- hil didin. Porogirama û dirûşmên partiyê ya aqilmend, dibe sedema sereke ji piştigiriyê dostan li welatên biyanî, ji Kurdan re. Gava E. Qasimlo, diçe Ewropa, komeleyên mirovdost, pir kesên siyasetvan û akademîk rêz û hurmetê jê re digirtin. Bi saya Qasimlo, dengê Kurdistanê Îranê gihadê deriyên piştigiriyê jê re vebûn.

Piştî biserketina rejîma Xumeynî û amadekirina destûrekî nû ji welêt re, E. Qasimlo dibe endamê Meclîsa Xîbregan û kar û barê xwe dike ku nama Kurdan (**cihê her kesî ji bo kar û avakirina di wî welatî de heye**) ji wê komîteyê re pêşkêş bike. Lê, Xumeynî, pêşniyara wî napejirîne û dibêje: **ev nûnerê Kurdan dijîminê Xewdê ye.**

Şoreşa Xumeynî, weke hemû desthilatên Rojhilata Navîn, armanc û daxwazên gelên Îranê û bi taybetî yên Kurdan bin pê dike. Di 19.08.1979'an de, pêşengê şoreşa Îslamî, Xumeynî, fermana cîhada muqedes (cîhada pîroz) li dijî Kurdan li dar dixê û dibêje: **Kurd gawir in, dijî armancên şoreşa me ne!?** Lewra jî berê keriyên şoreşê, dide gelê Kurdistanê. Bi hovîtî, mîna Holako, gund û bajar wêran kirin, bi hezaran kuştî û birîndar ji gundiyan ketin. Pêşmergeyên PDK Îranê û Komelê bi cangorî li hember şerê hovên Xumeynî sekinîn. Lê, hovîtîya keriyên

derkevanên Xumeynî, bi hovîtî şer ajotin ser Kurdan. Li hember wê şerê har û ji ber parastina gelê Kurd, herdu hêzan PDK Îranê û Komele neçar bûn ku şerê xwe bi hêzên Xumeynî re rawestînin. Piştî rawestandina şer, valahiyeke mezin di Kurdistanê de çê bû. Derkevanên şoreşa Xumeynî, Kurdistan kirin zîndaneke mezin, bi hezaran kes îdam kirin û avêtin zîndanên.

Di vir de, pirsra herî girîng xwe davêje holê, gelo ma armanc hemû şoreşên cîhanê çî ne!?. Ne armanc wan şoreşan, ji bo parastina mafê mirovan e?. Ew mirovî ji her tiştî buha û girîngtir in!. Lê armanc şoreşa Xumeynî cudatir e!?

Di sala 1980'an de, şerê Îraq û Îranê dest pê dike. Di bin siya wî şerî de, herdu desthilatên Îran û Îraqê, gund û malên Kurdan wêran dikin. Di dawiya wî şerî de, herdu desthilat ji hev ketin û li ber nefesa dawiyê bûn. Li pêş vê rastiyê, desthilata Îranê bi pîlan, têkilî bi PDK Îranê re lidar xistin. Gera yekem ya civînan, di 28 û 30'ê Berçile ya 1988'an de, li Viyena li dar ket, berhemên wê civînê pir baş bûn. Civîna duyem di 20'ê Çileya 1989'an de li dar ket. Di wê civînê de, xuya bû ku Otonomî ji Kurdan re pir nêzik e, tenê şeweyên bikaranîna wê dimîne. Piştî şeş heyvan, Dr. Qasimlo di Kongireya Enternasyonala Sosyalist beşdar dibe. Desthilata Îranî, careke din ji PDK Îranê dixwaze ku civînê bigre. Di 12'ê Tîrmeha 1989'an de, hevdîtin li **Viyenê** pêk hatin. Di wê civînê de, ji bilî herdu nûnerên Îranî yê berê Mihemed Cefer Seharrodî, cîgerê serokê parastina leşkerî li Kurdistanê û Hacî Mistefa Lacwerdî serokê parastinî li seranserî Kurdistanê û mirovekî di yê bi navê Emîr Mensûr Buzorgiyan û ji hêla PDK Îranê ve 2 kes, birêz Dr. Qasimlo, Ebdula Qadirî Azer nûnerê PDK Îranê li Ewropa û Dr. Fazil Resûlî ji Kurdistanê Îraqê beşdar dibe. Roja din, 13'ê Tîrmehê, li seet 19.30'an, li cihê berê, hersê nûnerên Xumeynî, bi hov û xinanî, Dr. Qasimlo, Ebdula Qadirî Azer û Dr. Fazil Resûlî xwîna wan diherikînin û şehîd dikin. Û ji wan, Cefer jî birîndar dibe û di nexweşxaneyên Viyene de tê dermankirin. Lê, mixabin, desthilata Nemsî, piştî dermankirina wî di nexweşxanê de, wî ber

didin û di 22'ê Tîrmehê de, direve Îranê.

Di navenda Ewropa, dema guftûgo ji bo rawestandina şer û çareserkirina pirsra Kurî di Îranê de, hovên dewleta Îslamî vî karê teror dikin û kes jî ji wan nayê girtin û cezakerin. Tevî Emîr M. Buzorgiyan, çend rojan tê girtin, ji ber karê wî yê teror, lê mixabin desthilata Nemsî, ji bo berjewendiyên xwe bi Îran re, kujer Emîr ber didin û ew jî direve Îranê.

Ji edetên nemir E. Qasimlo, di her hevdîtineke bi nûnerên desthilata Îranê re, ew hevdîtin belge (tescil) dikir, da ku ji hevalên xwe re xuya bike. Bi xêra wê aqilmendiya nemir E. Qasimlo, deziyên wê gunehkariya hovên Xumeynî hatin belgekirin û dadgeha cîhanî pê zengîn kir. Piştî wê bûyerê, rojnemevan û dîrokanê Firansî yê bi nav û deng, Kirîs Koçîra, wê begehê dinivîse û di rojnama Lomond ya Firansî de diweşîne.

Di wê belgeyê de, baş dixuye ku Kurd ne şerxwaz in, aştîxwaz in, daxwaza mafên Kurdan û gelên Îranê dikin. Lê, zimanê hov û teroran quşînên jîndar in, ne diyalog û guftûgo ye!?

Di 20'ê Tîrmehê de, bi beşdariya 2000 mirovên ku ji hemû deveran hatine, - Kurd, Ermen, Azerî, Turk, Faris û Ewropî-lehengên Kurd, Dr. Qasimlo û Ebdula Qadirî Azer di goristana Komonta Parîsê de tîn veşartin.

Li ser gora şehîdên leheng, ev peyamên jêrin tîne pêşkêşkirin:

- 1 - Peyama Deftera Siyasî a PDK Îranê
- 2 - Peyama Wezîrê Karê Mirovatî yê li ba Serok Wezîrê Firansî, **Birnard Koşnêr.**
- 3 - Peyama Sekreterê Komeleya Giştî ya Efûya Navneteweyî yê berê **Tomas Hemrbîrk.**

- 4 - Peyama Sekreterê Giştî yê Rêxistina Navneteweyî ya Mafên Mirovan, **Patrîk Bodwan**

Jêder:


- 1 - **Çil sal xebat ji bo azadiyê, E. Qasimlo. Wergêr Ezedîn Resûl.**
- 2 - **Pirtûka, E. Qasimlo, mirovê dilok û aştîyê. Wergêr B. Êva**
- 3 - **Kovara El-Hîwar , hejmara cewî (44-45), Havîn û payîza 2004 an**

Kongireya Neteweyên Îrana Federal Hikmê Îdama Rojanmevan û Çalakên Sivîl Ên Kurd Mehkûm kir

Niha civaka Îranê pitir ji caran yê bûye zîndaneke mezin ji ronakbîr, xwedî bîr û rayên cuda, Jinan, ciwanan û çalakên siyasî û sivîl re. Vê dawiyê û di qonaxekî nû ya girtin û îşkencekirinê de, hejmarek ji çalakên medenî, civakî û jinên nerazî ketine ber êrîşekî din. Di nava wan azadîxwazan de li Kurdistanê, Ednan Hesenpûr, rojanamevan û Hîwa Botîmar, çalakê civakî û sivîl, piştî çend mehan hepsê, îşkence û zextê, bîy selimandina tu sûç û tawanekê bi îdamê hatine mehkûmkirin. Çêkirina dosyan li dijî çalakên han, berevajî buxtanên bê bingeş û destçêkirî weke sîxor û "Miharib"(li dijî xwedê) ku hertim rêbaz û hêceta serkuta vê rejîmê li dijî azadîxwazan bûye, birêve çûye.

Aliyên bitirs û xof yê wê pêla berfireh a gef, îşkence, girtin û derkirina hikmên han ji aliyê bêdadgehên Komara Îslamî ya Îranê ve li Kurdistanê, rewşeke ewlehiyê ya pir ji nigeranî û tirsê pêk aniye û ew siyasetên serberedayî di awayê hikmê îdamê de, kuştina hemû civaka azadîxwaz û ronakbîrên Îranê, bi armanc girtine.

Kongireya Neteweyên Îrana Federal, hevrê û hevdem tevî partiyên siyasî, rêxistin û organên parêzer ên mafên mirovan, hikmê îdama Ednan Hesenpûr û Hîwa Botîmar, mehkûm dîke û ji hemû cure hewl û tekoşînekê ku bi armanc betalkirina wî hikmê û rizgarkirina canê wan xebatkarên civakî bimeşe, piştewaniyê dike.



Hevkarî û dengê xwe bi merema rikeberiyê tevî van cinayetên rejîma Komara Îslamî, bilind û bilindtir bikin.

Heyeta Birêveber a Kongireya Neteweyên Îrana Federal
20.07.2007

Birêz Nesrîn Qasimlo Di Hevpeyvîneke Taybetî De:**“Hemû kar û kiryarên min ji bo Kurd û Kurdistanê bûne û xwe cuda ji wan nizanîm”****Hevpeyvîn/ Rehîm Reşîdî
W: Rondik**

Birêz Nesrîn Qasimlo, berî her tiştêkê ez spasiya we dikim bona ku we dema xwe bo me veqetand heya

ku em bikarin li dor bîranîna cinayet û terora Vîyenê de vê hevpeyvîneke bi we re bo rojnameya **Kurdistan**, organa Komîteya Navendî ya PDK Îranê pêk bînin.

B. Ez jî keyfxweş im ku bo Kurdistanê dipeyvim, rojnameya ku min bîranînên zaf pêre hene.

P: 18 sal ji terorkirina Dr. Qasimlo û hevalên wî re dibihure. Ev mîdehe ji bo we bi bê Dr. Qasimlo çawan derbas bûye?

B: Di heyamê wan 18 salan de, temenê min çûye jor û saxlemiya min hêdî hêdî rû ji xirabiyê kirî ye. Lê pêwendiya min bi gelê Kurd re sar nebûye û min tu car hest bi vê çendê nekiriye ku ez ji bo Kurdan kesêke biyanî bim. Hemû kar û kiryarên min ji bo Kurd û Kurdistanê bûne û xwe cuda ji wan nizanîm.

P: Di rewş û zirûfa niha de têkiliyên te bi PDK Îranê çawan in?

B: Dema ku min zanî dîsan cudabûn rû daye, birastî ez nerihet bûm. Min rêz û hurmetek taybet bo PDK Îranê heye. Bi xasmanî ku Dr. Qasimlo roleke berçav di vê partiye de listî ye. Ez alîgirê gel im û piştvanîyê ji wan kesan dikim ku gel bo pêşve dibin.

P: Ew taqîma ku vê dawiyê ji PDK Îranê cuda bûn, pareke zaf ji wan tometan dubare dikin ku di cudabûna piştî kongireya 8'an de dixistine stûyê Qasimlo û Şerefkendî û ew bi dîktator nav dibirin. We ji nêzik ve ew rêberane dinasîn, gelo bi rastî ew dîktator bûn?

P: Min di hemû jiyana xwe de dîtin û bihîstin ji hev cuda kirine. Li min bibure, ez gellek caran tevî serokê xweştivî yê te jî ser kiriyê.

Tu dizanî, divêt li dewrana şer de nezm hebe. Ez serbarê wê ku endamê partiye jî nebûm, lê min dîsîplîna partiye diparast. Ger Qasimlo bigotiba ku neçim derve, ez nedîçûm. Di wê rewş û zirûfê de jî, şerek giran li holê de bû. Partiyê hewcehî bi nezm û dîsîplînên pêtir hebû. Di halekê de zirûfa niha gellek baştir û jêhatîr e bo mana di partiye de. Min serbarê wê ku gellek tişt qebûl nebûn, lê li cihê hêcet û karşikênîyê, min hevkarî dikir. Bi her hal bo min gellek dijwar û giran e ku ez Qasimlo û Şerefkendî bi dîktator bizanim. Her di wê demê de jî ez ji cudabûnê bêzar im.

P: Di wan salên dawîn de hin belge ketine dest ku nişan didin Mehmed Ehmedînejad, Serokomarê niha yê Îranê, endamê girûpa terora Dr. Qasimlo û hevalên wî bûye. Di vê derheqê de hûn çî dibêjin?

B: Li zivistan û havîna wê salê de, anku sala birêveçûna terore de, du girûpên terore hatibûn welatê Austoryayê, daku terore ser bigire.

Tê gotin berpîrsê girûpa duyem ya terore Ehmedînejad bûye. Buzurgîyan wate yek ji

**Nesrîn Qasimlo:****“Min tim evîneke taybetî bo Pêşmerge heye”**

terorîstan berê matorek kiribû ku piştî terore di nava zibildanê de tevî hin belgeyan ketine destê Polîs. Lê rastiya wê eva ye ku dewleta Austoryayê nedixwest ku hevkarîya me bike û heta bi zorî me termê şehîdan jê stand. Ji ber ku dewleta Otrîşê ditirsiya ew çek û teqemeniyên ku di şerê Îraq û Îranê de bi Îraqê firotibûn, eşkere bin. Lê ez dixwazim vê yekê jî bêjim ku medyaya Otrîşê tevî me bû.

P: Başê hûn wan axavtînen Pîtir Pîlz, endamê Parlemana Otrîşê ku derheq rolê Ehmedînejad di terore de dehan car bas dike, çawan dinirxînin?

B: Sala borî ez hatme haydarkirin ku yek ji karbidestên Komara Îslamî ji Îranê helatiye û zaniyariyên zaf li ser terora Vîyenê hene.

Min tevî aliyan pêwendîdar yê dewleta Otrîşê qise kir û piştî min rojanmevanekî Otrîşê jî ku hevalê min e, haydar kir. Diyar e wî kesî li gor gotinan, Benî Sedr jî dîtibû. Lê mixabin paşan ez hatime haydarkirin ku belge ewqas ninin ku dosya terora Vîyenê bêxe kar.

Lê dewleta Otrîşê her ji destpêkê ve heya niha hevkarîyên hewce ji bo çibçibûna dadperweriyê nekiriye. Dema xwe birêz Fîşîr, Serok Komarê niha yê dewleta Otrîşê û Sekreterê wê demê yê Partiya Sosyal Demokrat, aliyê me digirt û digot ku dewlet xemsariyê li derheqê terore dike. Lê ez hez dikim hemû aliyekê agehdar bikim ku xatircem bin, dê rojekê hemû ew rastiyan li dor li vê terore dê eşkere bibin û dê xelîk haydarê hemû tiştêkê bibin.

P: Nesrîn xanîm ger bîranînek te tevî Kek Ebdula Qadirîazer de heye, ji me re bibêje?

B: Kek Ebdula Qadirîazer bi rastî wekî kurê min bû. Diyarê ew hesta du alî bû. Ew hevtemenê zarokên min bû. Cara dawîn jî ku tevî Qasimlo bû, vegeriya û bi ken ve got ku ew û Qasimlo dê bi hev re şehîd bibin. Ev axavtîna tim di mejiyê min de ye.

P: Ez bawer im ku di 22'ê Pûşpera îsal de, xelkê Kurdistanê tevî daxistina dukan û bazaran, li ser daxwaza PDK Îranê biryar e ku demjimêr 22 heta 22:03 deqîqeyan çirayên malê xwe bitemirînin, taku bi vî awayî yad û

bîranîna Qasimlo bilind rabigirin û dijberiyê tevî terore û reşekujiyê bikin. Di vê derheqê de hûn çî dibêjin?

B: Bi rastî ez bi bihîstina vê nuçeyê gellek keyfxweş bûm. Hêviya serkevtinê bo vê bizav û livînê dixwazim û hêvî dikim bi bê tund û tûjî bidawî be. Bi rastî Qasimlo dijî tund û tûjiyê bû, ez jî her weha difikirim. Serkeftina vê ezmûnê û ceribînê bo xebata aşîxwazane ya Kurd û hemû gelên Îranê girîng e û di heman demê de destkevtêkî mezin e.

Gelê Kurd bi sedema vê ku hûn hevsera Dr. Qasimlo bûn û ji aliye din jî, we ji bo bîdestveanîna armancên tevgera Kurd gellek xebat kiriye, herwekî we di destpêka vê hevpeyvîneke de ji îşare pê kir ku we bîranînên zaf digel “Kurdistan”ê de hene, ji kerema xwe derheq wan bîranîn û ew xizmetên ku we bo doza rewşa ya gelê Kurd kirine, ji me re bipeyive?

B: Ez şanaziyê dikim ku min kariye rêyeke dûr û dirêj tevî Dr. Qasimlo de bipîvim û min karîbe alîkariyekê bikim. Kes nikare haşa û înkare jî vê yekê bike ku Qazî rê diyarî kiriye û Qasimlo jî selmandiye ku partî (PDK Îranê) hêjayî bîdestve girtina desthilatê ye. Qasimlo bi anîne rojeva bernameyê rêk û pêk, biîşrarbûn û pêçeandî li ser wekhevîya mafê jin û mêran, serbarê ew şerê ku bi ser partiye de sepandibûn, lê hemû endamên partiye û heta xelkê din jî pir hişyar kir. Bîranînên min tevî “Kurdistan”ê ger ez şaş nebim vedigere bo sala 1954'ê Zayînî. Wê demê em li Tehranê bi nepenî dijiyan. Min didît ku Qasimlo gellek xwe bi karê nivîsînê ve mijûl dike û paşan jî nivîsîn xwe dişîne bo çapê. Wê demê karê çap û weşanê gellek dijwar bû. Êdî min dest bi hevkarîyê kir û zêdetir karê teknîkî û xedematî li stûyê min bû. Herweha karê belavkirinê jî tevî hevreyên Qasimlo li stûyê min bû. Qasimlo wê demê xebat û tekoşîneke zaf dida ku “Kurdistan” du mehan carekê belav bibe. Niha ez keyfxweş im ku dibînim pêşketî ye. Hêviya pêşketinê zêdetir ji bo wê dixwazim. Hewce ye vê yekê jî bibêjim ku di Piragê de jî me çap û belavkirina “Kurdistan”ê domand heya ku em hatine Parîsê.

We çî peyamek bo endamên PDK Îranê û malbatên Şehîdan heye?

B: Min tim evîneke taybetî bo Pêşmerge heye. Pêşmerge kesek e ku dizane û çima bûye Pêşmerge û dixwaze çî bike. Min silav û rêz hene bo malbatên partiye, herweha ez serê rêz û hurmetê bo şehîdan û malbatên wan ditevînim û dizanim ku tim di hundirê xwe de eş û azarek bijan xwedî kirine. Hêviya aramî û serkevtinê ji wan re dixwazim û daxwaza min eva ye ku di xebatê de berdewam bin.

“Kek Ebdula Qadirîazer cara dawîn jî ku tevî Qasimlo bû, vegeriya û bi ken ve got ku ew û Qasimlo dê bi hev re şehîd bibin. Ev axavtîna tim di mejiyê min de ye”

Daxuyaniya Hevbeş ya 4 Partiyên Ji Bo Mehkûmkirina Hukmê Îdamê, Girtina Xwendekaran û Çalakên Karkerî Werin em ji bo rizgarkirina canê mehkûmên îdamê û serbestberdana xwendekaran bi yekgirtî kar û xebatê bikin

Îranîyên azadîxwaz!

Ednan Hesenpûr, rojnamevanê Kurd û Hîwa Botîmar, çalakê sivilî di Dsadgeha Şoreşê de bi îdamê hatine mehkûmkirin. Ednan Hesenpûr, endamê Desteya Nivîskar ya heftinameya daxistî a Kurdî – Farsî ya **Aso** û ji endamê Navenda Nivîskarên Kurdistanê ye.

Hêzên ewlekariyê Hîwa Botîmar bi armanca girtina birayê wî, Hadî Botîmar girtiye û ji malbata wî re ragehandine ku heya demekê Hadî xwe radestî ewlekariya Komara Îslamî neke, Hîwa nahê serbestberdan. Hadî Botîmar bo derbazbûn ji çengê Komara Îslamî pena bo Îngilîstanê buriye. Biryara îdamkirina Ednan Hesenpûr û Hîwa Botîmar di Dadgeha bajarê Sine de hatiyê erêkirin û hêzên ewlekariyê erêkirina biryara îdama Ednan Hesenpûr ji parêzer û malbata wî re îlan kirine. Niha Hesenpûr û Botîmar nêzîkî mirinê ne û ji yjana wan di tirs û xeterê de ye. Heke ji bo betalkirin û berlêgirtin ji birêveçûna biryara îdamê û rizgarkirina canê wan ji tirs û gefa mirinê gavên bilez nehên avêtin, Komara Îslamî dê karesateke mirovahiyê ya qerebûnekirî bi ser xelkê me de bisepîne.

Mehkûmkirina Hesenpûr û Botîmar bînpêkirina tûnd ya mafên mirovan û mînaeke eşkere ya cinayeta dewletî ye. Komara Îslamî bi derkirina hikmê daliqandinê ji bo Hesenpûr û Botîmar birayara kuştina 2 mirovên sivilî û bêtawan daye ku niha di girtixaneya rejîmê de hatine hepskirin û ji bilî tebat û berxwedaniya dîfîtiyê, îşkence û zîndanê çî karek ji destê wan nahê. Du mirovên ku li derveyî girtixaneyê jî, cuda jî penabirin ji bo hizr, raman û pênuşê xwe bona xuyakirina nerazibûnê li dijî dîktatorî û azadîkujîya rêberên hikûmetê rêweke din tu nebûn.

Mehkûmkirina van du kesane bi îdamê di doma wê pêla serkut û çewisandinê de ye ku ji çend mehan berî niha ve dest pê kiriye. Di wê pêla serkut û tepeskerinê de, çalak û xebatkarên tevgera jinan li cezayên giran ên girtgehê mehkûm bûn, çalakên bizava xwendekarî, endamên Şewra Navendî ya "Deftera Tehkîm Wehdet"ê û berpirsiyarên "Deftera Doreyî ya Tehkîm"ê hatin girtin û rojnameya **Hem Mihên** hatiyê daxistin û nûçegihanîya "ILNA"yê hatiyê qedexekirin. Hevdem tevî wê kiriyara serkutker de, makîna îdamkirina rejîmê yê ketiye kar. Hesenpûr û Botîmar rehînen Komara Îslamî ne. Ew goriyên azadîkujî û komployên qirêj û mirar ên dîktatorîya hikûmetê bona derbasbûn ji qeyran û kirza civakî li doza Etomî ne. Kirîzek ku her bixwe pêk anîne.

Komara Îslamî ev du xortên biwêr û azadîxwaz ên welatê me bi îdamê mehkûm kirine, heya jin, mamosta, çalak û xebatkarên mafên neteweyî, bizava karkerî û xwendekarî bitirsînin. Hesenpûr û Botîmar bi îdamê mehkûm kirine heta dengê azadîxwaziya rojnamevan û rewşenbîrên Kurd bifetîsîne û xebata demokratîk ya neteweyên niştecih ên Îranê ji bo bîdestveanîna mafê wekhev û adilane û dawîanîn bi ferq û cudahîdanê tepeser bike. Hesenpûr û Botîmar bi cezayê îdamê mehkûm kirine heta berxwdaniya karker, jin û xwendekarên ku niha di girtixaneyê de ne û li ser bîr ramanên mirovî û mafên destpêkî û bîngehînan yê xwe bîsrar in û tekezê dikin û ji bo xuyakirina nerazibûnê dest yê dane gireva birçibûnê, têk bişkînin.

Hevdehbûna derkirina biryar îdama rojnamevanên Kurd tevî nimayîşkirina îtirafên televizyonî, serkut û tepeserkirina çalakên tevgera jinan, keddaran û girtin û binçavkirina bikom ya xwendekaran nişaneyê êrîşa sistematîk û pîlanrêtiyê seranserî ya rejîmê li dijî cudabîr û azadîxwazan e. Nişaneyê vê yekê ye ku hikûmetê hevdem navendên tevgerên nerazibûnê yê kirine armanç û bîxwaze bi zora serkut û çewisandinê pêşîya pêwendîya seranserî ya tevgerên nerazibûnê bigire. Derkirina hukmê îdam, revandina çalakên karkerî û awayê liv û lebata wan tevî xwendekaran dide xuyakirin ku hikûmet yê ketiye tengasiyê û ji ber xurtbûna hesta tirsê dest yê daye tohildanê û pêkanîna tirs û xofê di girtixaneyan û derdora wan. Her çîqas rewşa niha ya opozîsyon û hikûmetê li gor sala 1988'an bi tevahî biferq e, lê divê em hişyar bin û keys û derfetê nedin rejîmê ku ji bo serkevtin bi ser rezîlî û rûreşîya xwe de, kul û kîna karesata neteweyî û kuştina bikom ya girtiyan siyasî di wî welatê de nû bike û di bêdengiyê de xebatkarên rêya azadiyê bide bin darê îdam û daliqandinê.

Bona ku bela û felaketek wisa dubare nebe, nabe em ji bo xuyakirina nerazibûn û protestokirin li hember biryara îdamê dereng bikin û rabwestin. Heke her îro em ji bo serbestberdana girtiyan berxwedaniya giştî organîze nekin, sibê pir dereng e. Ji ber ku ev kare parastîna mafên mirovan û berevanî ji mirovahiyê ye. Eger azadîxwaz bi bersivdana bi vê erk û wezîfeyê de, bi yekdeng û yekîtiyê bixebitin, di hêzek wiha de beşdar in ku bikarin paşdegişiyên bi êrîşên dîktatorîyê bikin û betalkirina biryara îdamê û serbestberdana girtiyan siyasî bi ser rejîmê de bisepînin.

Hêzên azadîxwaz!

Werin em bi hev re alîkariyê didin hev û bi hev girtin û yekîtiyê berevaniyê ji çalakên xwendekarî, jinan, karkeran û xebatkarên mafê neteweyî bikin. Werin ji bo betalkirina biryara îdamê hevdehg bin û nehêlin Ednan Hesenpûr û Hîwa Botîmar biçin bin darê îdamê û ji wan kesan ku dixwazin bi şikandina pênuşan û birna zîmanan, temenê rejîmê dirêj bikin, netirsin bin.

Em tev hêzên azadîxwaz û pêşketinîxwaz ên welat ji bo hevahengî di rêxistin û organîzekirina karzar ya bibandor di xebat li dijî serberedayiyê, berevanî ji azadkirina girtiyan siyasî û berlêgirtin ji îdama Ednan Hesenpûr û Hîwa Botîmar de gazî dikin.

Em ji hemû organ û parêzvanên mafên mirovan, partî û rêxistinên azadîxwaz û kom û komeleyên navneteweyî dixwazin serbarê mehkûmkirina birayê îdamê, bi awayê bibandor û pêwîst piştigiriyê ji xebata xelkê Îranê jî bo berçavgirtina mafên mirovan, betalkirina biryarên îdamê û serbestberdana girtiyan siyasî bikin.

Partiya Demokrat ya Kurdistanê Îranê
Komele – Rêxistina Şoresyan ya Zehmetkêşên Kurdistanê Îranê
Rêxistina Fedayiyên Gelê Îranê
Rêxistina Fedayiyên Gelê Îranê (Ekseryet/Pirani)

Gerrek Kurt Di Dîrokê De ...

Amadekar: Nûredîn Sofizade

16.07.1989: **Şêx Mihemedê Xal** kesayetiye navdar e Kurd koça dawiyê kir.

17.07.1985: **Mîr Axa Husênî** naskirî bi Mîr Axa Cehangîrî, Fermanderê Pel ji Hêza Şaho li devera Seqizê şehîd bû.

Herwiha **Bayîz Xendan** Fermanderê Pel ji Hêza Mîne Şem, li devera Rebetê tevî Pêşmergeyêkî din bi navê **Xalid Ehmedî** şehîd bûn.

18.07.1985: **Mihemed Emîn Îbrahîmî** Fermanderê Deste ji Hêza Mîne Şem şehîd bû.

18.07.1987: **Salar Îbrahîmî** Cîgirê Fermanderê Hêza Zagros li devera Kamyaranê şehîd bû.

18.07.1988: **Sîdîq Firozî** Endamê Cîgir yê Komîteya Navendî ya PDK Îranê û berpirsê Komîteya Kirmanşanê li navçeya Bilewer a Kamyaranê şehîd bû.

18.07.1988: Piştî 8 salan şerê bixwîn di navbera Îran û Îraqê de, rejîma Komara Îslamî ya Îranê biryarnamêya 598 ya Konseya Ewlekariya Rêxistina Neteweyên Yekbûyî pejirand û Xomêynî cama jehrê fir kir.

19.07.2005: Hunermendê mezin yê muzîka Kurdî **Mocteba Mîrzade** di temenê 60 saliyê de çû ber dilovaniya xwe.

20.07.1974: Artêşa Turkiyê êrîş kire ser girava Qîbrîsê û piştî şerekî bixwîn karî parekî zaf ji Qîbrîsê dagir bike.

21.07.1922: Cemiyeta Kurdistanê bi serokatiya **Mistefa Paşa** li bajarê Silêmaniyê hate damezrandin. Herwiha di heman salê de Kongireyêkî giştî hate girtin û **Şêx Mehmûd** wekî Paşayê Kurdistanê hate diyarîkirin.

23.07.1896: **Nasredîn Şahê Qacar** li bajarê Ebdulezîm (Rêy) ji aliyê kesekî bi navê **Mîrza Rezayê Kirmanî** hate kuştin.

23.07.1981: Hunermendê dengxweş yê Kurd **Mamosta Elî Merdan** koça dawiyê kir.

23.07.1985: 6 Pêşmergeên PDK Îranê li navenda Ajvan bi navên: **Salih Elîpûr, Elî Îran Nijad, Mihemed Emîn Mehmûdpûr, Ebabekir Mihemedî, Kemal Şeyxî, Elî Soltanpenah** şehîd bûn.

24.7.1923: Peymannameya **Lozan** di navbera Birîtaniya, Fransa, Îtaliya, Japon, Yûnan, Romaniya û Yûgoslavyayê de hate girêdan. Li wê peymanê de Kurdistan di navbera 4 welatên Îran, Turkiye, Îraq û Sûriyê da hate parvekirin.

25.07.1922: Bo cara yekemîn hikûmeta Îranê hêzek mezin ya peya hinarte ser hêzên **Simko**, piştî şerekî giran, Simko rastî têkçûnê hat û Kela Çariyê berda û vekîşîya bo Turkiyê.

26.07.1985: **Ebabekir Îsmail Nijad** Fermanderê Lik û **Tahir Xizriyan** Fermanderê Deste ji Hêza Aware li Qubad Begiyan a Pîranşehrê şehîd bûn.

26.07.1987: **Ferec Husênî** Fermanderê Lik ji Hêza Şaho li Bêsaranê şehîd bû.

27.07.1970: **Mihemed Riza Şahê Pehlewî** ku piştî serhildana gelên Îranê li dijî rejîma xwe reviyabû Mîsrê, li bajarê Qahirê mir.

27.07.1987: **Xalid Royan** Fermanderê Lik ji hêza Kêleşînê, li şerê Giresor a Mirgewer de şehîd bû.

27.07.1996: Êrîşa 2000 kesî ya hêzên Komara Îslamî ya Îranê bo ser binke û bargehên PDK Îranê û topbaran û katyoşabarankirina malên Kempa Azadiyê bo heyamê 10 seetan li nêzîk bajarê Koyê.

28.07.1914: Destpêka şerê yekemîn yê cihanê bi êrîşa Otrîşê bo ser Lehistanê.

29.07.1986: **Kavûs Minberî** Fermanderê Pel ji Hêza Bêstûn li Zêviye ya devera çemê Javero şehîd bû.

30.07.1985: Pêşmergeyên Hêza Hevşar ketne boseya hêzên rejîmê, mixabin 13 Pêşmerge şehîd bûn:

Seyîd Kamîl Heyderî berpirsê Komîta Şaristana Hevşar, **Ehmed Osmanî** Endamê Komîta Şaristanê, **Mehmûd Şefayî, Mihemed Ezîziyan, Sofî Evlê Cevadî, Ezîz Êsaq Taq, Xalid Mikayîlî, Rehman Resûl Nijad, Sîdîq Şîrî, Nasir Deştî, Feyzula Ebasî, Seîd Feyzî, Mehmûd Elmas Nijad.**

31.07.1968: Şehîdbûna **Ehmed Şelmaşî (Mela Aware)** endamê Komîteya Navendî ya PDK Îranê li Serdeştê.

Skandalek Nû Ya Dermanfirota Tirkîyê;

Dr. Yekta: Xetera Helebçeyekî Nû Heye

Gabar Çiyan

Tirkîyê, bi rêya şirketên xwe ilacan û xwarinê difiroşe Îraqê. Derket holê ku gellek ji derman

û xwarinên tê firotin genî an jî kevin bûne. Ji ber firotina derman û xwarinên kevin û xirabûyî, hemwelatîyên Îraqê têne jehrdayîn. Pîsporê pîrsê tînin zimên ku Herêma Kurdistanê jî ji ber derman û xwarinên kevin û xirabûyî dikare ketibe bin xetereke mezin.

Pîrs ne nû ye. Ji zû ve ilac û xwarinên firotin. Lê şikên li hember sextekariya şirketên Tirkîyê berî niha eşkere bû û piştî bûyerê kontrolkirina ilacan û xwarinê ji aliyê dezgehên bijîjkiya Îraqê û Herêma Kurdistanê ve xurtir bû. Dezgehên bijîjkiyê li Îraqê û Kurdistanê sextekariya şirketên Tirkîyê eşkere kir. Wezareta Îraqê li ser pîrsê notayek protestoyî da balyozxaneyê Tirkîyê li Baxdayê. Ji Wezareta Derve a Tirkîyê hate xwestin ku li ser şirketên dermanfiroş, mercên xebata fabrikeyên wan, birêveberiya wan û awayê guhestina dermanan bo Îraqê, zaniyariyê bide Wezareta Tenduristiyê a Îraqê. Ji Tirkîyê heta xwestin ku, rê bide komek doktorên Îraqî ku werin Tirkîyê da ku pîrsê jî nêz ve bişopînin. Di nava komê de nûnerên kurda ji Herêma Kurdistanê jî hene. Kesên dixwazin herin Tirkîyê ev in: Dr. Ihsan Jaafer, Dr. Huseyin Al Beer, Dr. Ala Shallan û Mûdirê Sîhetê yê Duhokê Luma Hazim.

Wezareta Karê Derve a Tirkîyê, bi Mûdirê Tevayî yê Dermanfiroşên Tirkîyê re kete têkiliyê û ji wan zaniyarî xwest. Piştî têkiliyên wezareta Tirkîyê bi şirketên derman û xwarinên re, Wezareta Karê Derve a Tirkîyê bi ihtîmalek mezin dê bersivêk neyênî bide Îraqê. Çavkaniyên tenduristiyê li Tirkîyê û Kurdistanê dane zanîn ku pîrs mezin e, skandal jî awira aborî ve pišta xwe dide pereyên mezin. Dema pîrs bê kolandî dikare skandalek berfirehtir derkeve holê. Tîrsa herî mezin ew e ku şirketên Tirkîyê bi zanabûn, siheta bi hezaran hemwelatîyên Îraqê û kurda xistibe xeterê.

Em, li ser xetera dermanên kevin û çareserîya pîrsa ilacan li Herêma Kurdistanê, bi pîsporê pîrsê Dr. Yekta Uzunoglu re axivîn. Wî li ser pîrsê agehdayîyên girîng da me. Fermo hevpeyvîna bi Dr. Uzunoglu re:



Dr. Yekta Uzunoglu kî ye?

Di 1953'an de li Farqînê hatiye dinê. 1971 jî bo xwendina bilind têt Fransayê. Li wir zimanê fransî dixwîne. Di sala 1973'an de têt Pragê. Piştî xwendina tendurustiyê, dibe doktor û di 1980 de di gel hejmarek doktor li Kurdistanê dixebite. Piştê têt Almanya. Li wir di avakirina Enstîtuya Kurdî a Parîsê û Enstîtuya Kurdî a Bonnê rolên berbiçav hildigre ser milê xwe. Paşê vedigere Pragê. Dr. Yekta di saxiya Şehîdê nemir hêja Dr. Ebdulrehman Qasimlo de jê dersên aborî werdigirt. Paşê li ser makro ekonomî xebitî, li ser zaniyariya aboriyê kûr bû. 1993 de li gel Serekomarê Çekê Veclav Klaus û hejmarek ekonomîstên wir, li ser bingeha berhema xwe bi navê **Perspektîvên Aboriya komara Çekî** xebatên aboriyê dikin. Ji ber komployekê di sala 1994'an de têt girtin. Ew di sala 1997 de azad dibe. Di sala 2006'an de xelata Frantisek-Krigelê wergirtiye. Dr. Yekta zewicî ye, du zarokên wî hene û li Komara Çekê dijî.

- Çima dermanfiroşên Tirkîyê ilacên xirab, kevin difiroşe Îraqê?

Bersiva vê sualê ev e : Çima Îraqî û dîsa wusa Kurd dermanan ji Tirkîyê distînin? Şirketên tirk li Îraqê wusa jî li Kurdistanê jî xwe re taşeronan peyda kirine, network a xwe ya mafyayî saz kirine, saxiya mirovan bo wan, armanca xebata wan nîn e. Malesef pir kesên ku taşeronî bo şirketên tirkî dikin, di dema dîktatoriya Sedam Husêyn de, dîsa ew bûne ku ticaretê kirine - yan jî bawen wan -.Yanî bi wêjeya gelerî "caş" bûne û îro ew "caş" xwedan hikmekî berbiçav in di warê "ticaretê" de. Lê tiştê ku têt kirin ji exlaqê / Kodex / ticaretê gellekî dûr e. Ev kes bo qezencên xwe hertîştî difroşin. Ku karên ku ew dikin, bi xwe gorî krîterên mirovatîyê ne firotin e, lê qetil e.

Hem mirovan qetil dikin û hem jî li serda dirav qezenc dikin.

Di her welatekî de ticareta dermanan li bin hukmê qanûnan, li bin kontrola saziyên dewletî de ye. Berspirsiyarê vê bûyera tirajîk li Kurdistanê berî herkesî, pêşî tacirên tirk û taşeronên wan in, paşê kesên ku bîn rexnekirin karbidestên herêmê ne. Çawa hikumetêkî destura îtxalkirina dermanan ji welatekî weka Tirkîyê dikare bide? Ew Tirkîye ku bingehê siyaseta xwe li ser nijadperestiya dijî hebûna gelê Kurd ava kiriye! Ev xelatiyên wisan cihê pîrsê ye.

- Dermanên kevin û xirabe ji awira bijîjkiyê ve çî bandorê li Kurda dikare bike?

Piraniya dermanan bi xwe jehr in. Mînak: wek antibîotîk. Lê ku dozajê derman bo kuştina mîkrob û vîrûs be, ew derman e, lê ku dozaj zêde bilind be dibe jehr bo mirovî. Dozaja bilind dikare mirovan bikuje an jî bi kêmanî hinek organa texrîb bike. Dermanên Kevin: Hinek derman in ku kevin dibin hikmê dermanbûnê winda dikin. Lê hinek jî dibin jehr.

Dermanên xirab: Dikare mirovî nav demekî kurt de bikuje, lê dikare texrîbatê bide hinek organên mirovî. Ev texrîbata organa xwe piştî demekî dirêj yan demekî kurt nîşan dide, bi şeweyên cure-cure.

Ev dermanên xirabe bi giştî zirarê didin kezaba reş û hinek jî gurçikan. Ev zirar wek nexweşiyekê xwe dikare piştî salan jî nîşan bide. Hinek derman dikarin dervayê wî da genê mirov xirab bikin. Wê demê zirara wan di neslên din de xwe nîşan dide. Yanê, dikare xwe piştî 5-10 salan di zarokan de nîşan bide û zarok seqet - yan jî aliyê canî yan jî ji aliyê ruhî - werin dinyê. Hûn dikarin dehhezaran zarokên seqet texmîn bikin? Wê demê karbidestên îro wê di ser kar û hukmê xwe de nebin, dibe ku nejin jî, lê zarokên seqet wê bi wî seqetiyê mehkûmê jiyaneke bi eş û kul bin.

Dervayê wî jî hinek dermanên xirab dikarin zirarê bidin rihê mirovan. Ger imkana çûyîn û xebata azad hebûya min dê çend pîsporên bişanda Kurdistanê Başur û Bakur ku lêkolînekî li ser "xwekuştîyan" bikin. Lêbikolinê gelo ew keçên ciwan ku xwe dikujin, dest davêjin jiyana xwe, xwe dişewitînin, beriya van depresîonan derman xwarine yan na, ger xwaribin çî, kîjan derman xwarine, xwîna wan de perçeyên kîjan madeyên kimyewî hene û hw û hwd... . Ji ber ku hinek dermanên antîdepresîv ger xirab bin, dikarin depresîone hê qurtir û xurtir bikin û bibin sedemê gavên "har", wek xwekuştin. Di vê warê de berpirsiyarî kî mezin para doktorên Kurd ê Herêmê ye. Ew bi xwe dikarin li ser wan pîrsan grûbên xebatê saz bikin û lê bikolin.

Ta kengê wê hêvî û leviya alîkariyê ji derva bin? Wek têt zanîn Vîyetnamî di nav şerê malxirab de xebata xwe ya ilmî didomandin, kurd çima nakin? Piraniya belediye Kurdistanê Bakur li destê welatparêzên kurd de ye, li Başur jî xwe dewlet ew in. Çima ji sulane xwe yê jiyane re xwedî dernakevin?

Ji afîk- 80.000-100.000 Pêşmerge û deh hezaran Polîs- quwetên asayîşê - tên xwedîkirin ku herêma Kurdistanê biparêzin, lê ji aliyê din weka ku singê gelê xwe vekiribin û dibêjin werin me bi perê me bikujin. Dermanên xerab dikarin sedem û sebebê trajedîkî ji ya Helepçê mezintir bin.

- Di rewşa îro de pêwîstiya Kurdistanê bi febrîkeya îlacan heye, an na? Çima heye?

Çar aliyê herêmê rejîmên har in. Pêwîst e berpirsiyarên Herêmê saxiya gelê xwe teslîmî qedere, teslîmî peyayên van rejîmên har û hirhop nekin. Ger derman ne ji ciranan, lê ji welatekî dur jî bistînin, tu garantî nîne ku, destê hinekan negihîje wan deverên dûr û derman rastî derman be.



Çareserkirina derman wek sazîkirina hezên parastîne bo herêmê re giring e. Derman ne televîzîon, kompîtur yan otomobîl e ku xirab derket tenê zirarê bide mirovekî. Ji ber ku derman ne derman be saxî û canê mirovî ji dest diçe û vegeerê can nîn e. Divê ku karbidestên Kurdistana Başûr pirsra derman û xwarîne bi destê xwe û di Herêmê de çareser bikin. Ger ev çareser nebe, nûjentîrîn çek jî nikare gelê wê Herêmê biparêze.

- Ji awîra ekonomîk ve, çiqas çûna Herêma Kurdistanê ji bo îlacan heye?

Kes nîzane. Hinek derman hikûmeta

Baxda finanse dike, hinek yê herêmê û serda gellek derman jî bi qaçaxî tên firotin-stendin. Statîstîk nîn e. Lê gor texmînên gellek gilover ev hejmar ji çend sed milyon dolarê Amerîkî kêmîr nîn e.

- Ji bo Herêma Kurdistanê bibe xwediye fabrikeyê îlacan, derman li Kurdistanê bîn çêkirin, çi xebatên bingehîn pêwîst in?

Berî hertiştî divê Parlemantoya Kurdistanê qanûnan di vî warî de pêk bîne û hejmar û navên dermanên ku wek derman qebûl dike, biweşîne. Firotin û bikaranîna dermanên din jî qedexe bike. Tevekên welatên nûjen de derman li bin kontrola dewletê de ye. Wek tê zanîn li Swêdê ne tenê derman li bin kontrolê hikûmetê de ye, lê dîsa wusa dermanxane bi xwe jî yê dewletê ne.

Dibe ku pisporên Parlemantoya Kurdistanê di vî warî de tune be. Lê bo pêkanîna listekî **dermanên bingehîn** pêwîstiya wan bo pisporan jî nîn e. Saziya Tendurîstiya Neteweyên Yekbûyî deh salan e di vî warê de kar dike. Parlemantoya Kurdistanê bo qanûnan dikare ji imkanên vî saziyê istifade bike. Wek tê zanîn bo çareserkirina piraniya nexweşiyên mirovan di şertên welatên paşdemayî de **tenê 150-180 derman têr dike**. Îro di Kurdistanê de hezaran derman ji dehan welatan heye. Ev xeterekî gellek mezin e. Navê van 150-180 dermanan nas in. Piraniya saziyên xêrxwaz bi van dermanan bingehîn di welatên paşdemayî de kar dikin û di xebata xwe de gellek ser jî dikevin. Bo çêkirina van dermanên bingehîn bo 5 milyon gelê Kurdistana Başûr fabrikeyê tenê bes e. Ku Hikûmeta Herêmê bixwaze fabrikeyê wusa ji aliyê teknolojiyê de di nav 6 mehan de dikare ava bibe, ger avahî hazir be.

- Ji bo avakirina fabrikeyên îlacan çûna aborî çiqas pêwîst e? Kijan welatên mezin li ser pirsê pispor in û

mercên têkiliyê çawa li gorî berjewendiyên Kurda ye?

Fabrikeya her wusa şirketên navdar aliyê kêr bi 500 milyon dolar çê nakin. Lê bizanebûn dikare fabrikeyê wusa bi 20-30 milyon dolaran ava bibe. Wekî li Tanzaniya ye. Çareserkirina vî pirsê ne zehmet e. Bi 4 pisporên gellek baş di 4 wazan de dikare çareser bibe :

1. Pisporê tandurîstî û eynê demê de dîplomat bo danûstendin bi saziya tendurîstiya Neteweyên Yekbûyî, saziyên xêrxwazên navnetewî di warê tandurîstî de, bo danûstendin li gel welatên peşdaçûyî û hwd.
2. Pisporê dermanasî -farmakolojî -
3. Pisporê teknolojiya dermançêkirinê
4. Pisporê tîcareta pêwîstiyên hevîrê dermanan. Ji xwe pisporên baş girûpa xebata xwe bi xwe çê dike û endamên girûpê xwe jî bi xwe peyda dike. Di vî warê de ev pispor dikarin ji pisporên Kurdên Ewropî istifade bikin. Malesef deriyên Herêma Kurdistanê bo van pisporên Kurdên xerîbiyê re ta niha girtî ye. Sedemê pêşdaçûyîna Îsrail jî destpêkê ta niha ew e ku Îsrail kîjan cihê jî kîjan quncika dinê here wir, wî wek heolî-hemwelatiyê xwe dikin singê xwe. Ev helwest mixabin e ku hê jî li Kurdistana Başûr nîn e.

Dibe ku di destpêkê de bi hinek şirketên baş ê Hindistanê re bo demekî têkiliya ticarî pêwîst be . Û dibe ku çend seferiyên zanîne bo Tanzaniya û Hindistanê pêwîst be, ji ber ku ev her du welat pirsên xwe yê bingehîn ê dermanan bi awakî baş, rasyonel çareser kirin / kirine û dikin û ji bo Kurdistanê dikarin minak bin. Bo cihazên hesas Koreya Başûr ku leşkerê wan li Kurdistanê ye, welatekî bi îsabet e.

Fabrikeyek wusa li Kurdistanê de dikare di webeyê navîn de bersiva pêwîstiya tevekê Îraq jî bide û bibe navenda farmakolojiya Îraqê. Lê pêwîst e hinek fireh û dûr were fikirandin.

(Zarathustra News)

Jordeçûna 12 Ji Sedê Ya Asta Berdan Di Îranê De

Daxwaza berdanê ji zewicîne zêdetir bûye û gihîştîye %12/1'ê. Ev yeka ji aliyê Seyîd Hesên Mûsewî, Birêveberê Giştî yê Zirardîtîyên Civakî di hevpeyvînekê de tevî nûçegihaniya Fars de ragehand, asta berdanê bi nîsbet du salên borî %1/4 jorde çûye û di vî derheqê de Jin zêdetir ji mêran daxwaza ji hev veqetîyanê dikin. Yanî di nava 100 kes daxwazkarê berdanê(ji hev veqetîyanê) de, 48 kes jin, 23 kes mêr û 29 kes jî mêr û jin bihev veqetîyanê dikin. Temenê ew zewacên ku li encam de digihîje berdanê, %52 jî wan kêmîr ji 25 salan e. Hewceyî gotîne ye ku li gor serhejmarîyên fermî, navinca temenê zewicîne di nava jinan de



27/9 sal e û di nava mêran de 29/7 sal e.

Jêder:
malpera "irwomen.com"

Li Silêmaniyê Di 6 Mehan De 93 Jin û 29 Zilam Bi Rêya Şewitîne Ve Jiyane Xwe Ji Dest Dan

Li gor statîstîkekê ku di "PUKmedia" yê de hatiye weşandin, li parêzgeha Silêmaniyê di navbera 6 mehan borî de, 893 bûyerên şewitandinê bi sedemên cuda cuda hatine encamdan û 122 kesan jî jiyana xwe ji dest dane. Li gor encamên statîstîkê, dîsa di piraniya bûyerên şewitandinê de jin serekî ne û ji 122 kesan, 93 kes jin in.


Li gor statîstîkê 467



jin û 426 mêr û bi sedemên cuda cuda şewitîne. Hêjayî gotîne ye her çend ku sedemê xweşewitandina jinan pîrgirêkên civakî ne, lê dema ku ew bûyer tî lîkolînkirin, sedemên wan bûyerên jî bi rastî nayên aşkerekirin.

DEMOKRASÎ

ADAR JIYAN
adarjiyan@mynet.com



Wekî hemû tégînên civakî û kemelayetî ku tenê wateyê rastîn a her tégînê heye. Bêşik wateya demokrasîyê jî ya rastîn heye. Belê ligel vê rastîyê jî dîsa her kes li gorî dilê xwe wateyê nû li demokrasîyê bar dike û wê li gorî berjewendiyên xwe yê rojane û demdemî rave û şîrove dike.

Wekî civakên dinê yê paşmayî -wekî civaka rojhilata navîn- tégîna demokrasîyê bi ser re û bi awayekî teng û req şîrove dikin. Ji bo wê çanda demokrasîyê li gellek deverên dinê zêde pêşve neçûye û bi azweriyê mezîna nehatiye/nayê pejirandin. Demokrasî li gellek welatan, bi rê û rêbazên zoran û çêkirî ji jor de li ser gel hatiye ferzkirin. Heçku demokrasî şewaza jiyaneke nûjen e. Ji bo wê jî divê ji dil û can were pejirandin û bikaranîn; ne bo darê zorê.

Demokrasî, ji hêla civakên dinê ve wekî tégîneke nûjen bi du awayan tê şîrovekirin. Yek, şîroveya Rojava(Ewropayê) û ya din jî şîroveya Marksîzmê ye. Bi rastî di serî de civakên Rojhilata Navîn û her wiha gellek civakên paşmayî, bi qasî ku demokrasîyê baş fêhm bikin û wê ji bo xwe wekî diviyatiyê çarenî bibînin, serwest nebûne. Navê demokrasîyê bihistine belê bi ruh neanîne. Li vê erdnîgariyê gellek kes û civakên demokrasîyê xeter û tîrsnak dibînin jî hene. Heta qet hewcetiyê bi demokrasîyê nayîn û dibêjin "Demokrasî mirovan jî rê derdixe û wan berdide hevdu" Heta ji hêla gellek kes û civakên Rojhilata Navîn ve, demokrasî demeke dirêj wekî fen û fûtên civakên xwedênenas û îstîkên gawirane hatiye dîtin.

Li welatên paşmayî û nemaze jî li Rojhilata Navîn, gava ku demokrasî tê gotin sê tiştên fêmkirin. Yek, pergala sazûmana parlamento, du pîrepartîti û ya sîyan jî hîlbijartin e. Li gorî van civakan ku ev hersê tiştên ku wekî rêbazên demokrasîyê tên dîtin hebin demokrasî jî heye. Belê ev xapandîneke mezin e. Lewre, ev hersê tişt ne rêbazên demokrasîyê ne; ev navgînên ku demokrasîyê pêk tînin in. Alavên ku mantalîteya pîreparêziyê pêk tînin ev hersê tişt in. Ruh û kakilê demokrasîyê pîreparêzî ye. Çi ye pîreparêzî? Li gorî vê rêbazê, tu îmtiyaz û cihewazî di navbera tu bîr û baweriyên û tu fikr û hizran de nîn e. Her fikr û raman li gorî xwe hêjayî parastin û vegotîne ye. Û nîrxdar e jî. Mafê her kesî heye ku fikr û hizra xwe derbibire, bîr û bawerîya xwe vebêje, bibe xwedî erk.

Li gorî azîneya pîreparêziyê, divê tu sînor ji fikr û hizra mirov re neyê danîn. Mafê tu kesî nîn e ku bi hinceta qedexekirinê rabe bibêje "ev fikr û raman çewt e, ji bo wê bila tu kes guhê xwe nediyê." an jî wekî fikreke xisaram

destnîşan bike. Bo nimûne, parastina mafê azadiya ramanê an jî mafê derbirîna hest û baweriyên arizî li gorî hin kesan rast, belê li gorî hin kesan jî şaş e. Çi rast û şaş dibe, divê tu bîr û bawerî û tu fikr û raman qet neyên manîkirin û qedexekirin. Çendî şaş û fahş dibin, bila bibin(li gorî me) divê neyên manîkirin.

Li gorî rêbazên demokrasîyê, hemû fikr û bawerî tene gotin û vegotin. Belê pejirandin û nepejirandin wan li gorî biryara mirovan diguhere. Jixwe demokrasî jî ev e.

Raman û bawerî du tiştên veşartî ne. Tiştê ku tê manîkirin û qedexekirin ne bîr û bawerî an jî fikr û raman e; derbirîna wan e. Derbirîna wan wekî sûc tê qebûlkirin îro. Di demokrasîyê de ne sûcekî fikr û baweriyê heye û ne jî fikr û baweriyêke sûcdar. Di demokrasîyê de ne bîr û fikr û ramaneke rast heye û ne jî bîr û bawerî û fikr û ramaneke şaş. Tiştên ku li gorî hin mirovan rast tene dîtin, li gorî hin mirovên din jî şaş tene dîtin. Ji bo wê, di demokrasîyê de her mirov dikare bîr û bawerîya xwe û fikr û ramana xwe bi serbestî derbibire û bi mirovên din re parve bike. Lewre gellek bîr û baweriyên ku ji hêla me ve wekî rast tene qebûlkirin jî hêla kesên pêşberî me ve wekî şaş tene dîtin. Her wiha fikr û raman jî wisa ne.

Bi rastî, wekî ku li jor jî hate diyarkirin, tiştê ku tê qedexekirin ne bîr û bawerî an fikr û raman e. Lewre, heta ku fikr û raman neyên ser ziman, tu kes nizane kî çî difikire an bi çî bawer dike. Lihemberderketin û manîkirina, ne li dijî ramîn û baweriyê ye. Jixwe ne pêkan e jî. Lihemberderketin û manîkirina derbirîn û vegotîne bi xwe ye. Ew jî bi xwe re gellek pîrsgirêkên mezîna tîne. Ji bo wê, divê derbirîna bîr û bawerî û fikr û ramanê, neyê qedexekirin; berevajî wê, divê qedexekirin û manîkirina wan were qedexekirin.

Di şert û mercên îroyîn de, rêbazên demokratîk an jî demokrasîya rastîn kilîda hemû deriyên xêrê ye. Û demokrasî çareserîya hemû pîrsgirêkên dinê ye. Belê hê jî gellek kesên ku demokrasîyê wekî pîrsgirêk dibînin, hene. Ew kesên ku wisa difikirin û li hemberî demokrasîyê derdikevin, an di wateya demokrasîyê de negihîstine an jî ji ber ku demokrasî pergla wan a stembar û sûcdar serobin dike, lewma li hember derdikevin

Demokrasî, pêdivî û diviyatiya rojane û mayînde a dem û serdema îroyîn e. Demokrasî nîrxê tevê mirovahiyê ye. Tiştên ku tene serê mirov û mirovahiyê ne ji ber hebûna demokrasîyê ye; ji ber tunebûna wê ye.

Helbest

Duh Êvarî



SADIQ ESKERÎ
sadb@ yahoo.com

Duh êvarî gava tav diçû ava
Ez ketim nava karvanê xeyalan
Bahoza hesretan
Pêlên bîranînên rojên çûyî.
Duh êvarî gava şevqa tavê winda
bû
Hesretan ez li hembêz kirim
Kovanan di hinavên min da govend
gêran
Kaniya rondikên çavên min hirikî

Duh êvarî gava tarîtiya şevê hat
Ez ditirsam bê we herim rê
Pêyên min sist û bêhêz bûn
Destên min sar û cemidî bûn
Çavên min li benda rêya we bûn

Duh êvarî gava herder zulmat bû
ji tarîtiyê
Ez ketim bîriya rojên çûyî
Van rojên ku em bi hev re bi
govendê diçûne şerê tarîtiyê
Van rojên ku em bi hev re bi
keniyê diçûn şerê mirinê
Van rojên ku em bi hev re bi
evînekê dijîyan û bi tîrekê dimirin

Duh êvarî gava ez bi xeyalên
rojên çûyî bûm heval
Hesretan dilê min mîna welatê min
kîrin parçe parçe
Mîna kale birên min çawan kêr
xistin cergê diya min
Rehim nekirin bi hevalîtiya me
Ji hev qetandin dilê me
Ji darvekirin evîna me
Kulan tirba hezên me.

Têdîtin û Helwestek

Têdîtin: xwendewanên hêja! Li hejmara berê ya agirî de me hevpeyvînek tevî Fatih Salihî weşand. Gotinên navhatî tenê raya wî ye û ev bersiva jî rayek din e ku nivîskar bi xwe jê berpirsyare.

Agirî bi tu awayekê li vê derheqê de berpirsyar nîne.

Bersivê Ji Bo Gotinên Fatih Salihî Li Ser Hunermend Behmen Qubadî

**Şerîf Felah
Wergêrandin/Rondik**

wendewanên hêja:

X Ev gotare bersivê e bi hevpeyvîna Kek Dara Natiq tevî birêz Fatih Salihî derheq rewşa şano û sînemaya Kurdî, ku di hejmara berê ya rojnameya Agirî de çap û belav bû.

Ez naxwazim û cehdê jî nakim ku di vê gotarê de wekî kesekî pispor û lêzan li warê şano û sînemayê de, dîtin û nêrînên birêz Fatih Salihî rexne bikim. Li restî de rexneya min ji parek ji hevpeyvînê li dor şikandina kesayetiya derhênerê jêhatî û bişiyar yê Kurd, birêz Behmen Qubadî ye û herwiha ronkirinek jî li ser tevlihev kirina hin rastiyan û ev cehd û têkoşînê ku heya niha di vê pêxemê de hatine dayîn. Ez jî tevî Kek Fatih hevdeng im ku neteweya Kurd heya niha ne xwedî sînemayek serbixwe ye û herwiha hemû ew alav û hewcehiyên modern ku sînemayek nûjen, îroyîn û pirofîşnal jêre hewce ne, me ninin. Rast e ku Kurd xwedî nawendeke akademîk, Kolêj û zanista sînemayê nîne, lê bi xebat û têkoşîna dilsoz, sînemakar û derhênerên wekî: Yilmaz Gûney, Behmen Qubadî, Cemîl Rostemî, Mehdî Omîd Huner Selîm û ...em xwediyê bîr û hizra sînemayî ne û bîngê û xîmê wê hatiye danîn.

Kek Fatih di bersiva pirsîyarekê de ku dibêje tu bawer î ku sînemaya Kurdî di sedsala 21'an de kariye pêşketinek berbiçav bi xwe bibîne?

Bi awayekê ku nizanîm sedema wê çiyê, xwe li rastiyan didize û dibêje: "Eger nîşandana êş û bedbextiya gelê Kurd û paremayîna li warên çandî, civakî, siyasî û aborî de dibe janrek bo sînemaya Kurdî, ez bi xwe hez ji vê sînemayê nakim". Ez li vir de naxwazim hez û hêviyên Kek Fatih bikujim û bibim bi nûnerê wî û bibêjim ku divêt tu hez jê bikî, lê pirsîyar eva ye ku ger rojekê sînemaya Kurdî derkeve holê, ji bilî bedbextî, hejarî û ew tirajîdiya û rastiyan ku dujiminên me bi ser Kurdistan de anîne, çî tiştek dinê heye ku bikin bi Janr bo sînemaya Kurdî? Gelo baskirin ji kultur, rewşt û tîtal û veguhastina rastiyan civakî û aborî jî bo raya giştî guneh û tawan e? Ma gelo çand û huner, şano û sînema xwediyê nîşandana êş û azara civakê nînin? Ma gelo huner bo xelkê nîne? Yan jî renga Kek Fatih bawerî bi mekteba "Parnas" anku "Huner ji bo Huner"ê hebe? Kek Fatih her li doma bersiva vê pirsîyarê de ji ber wê ku dixwaze tiştên nebaş bizeliqîne ser kesayetiya sînemakar û derhênerê bişiyar û bi nav û deng yê Kurd, Behman Qubadî, **dibêje:**



"bi çêkirina filmek bi zimanê Kurdî ku heta bîr û hizra wê ji Kurdî nîne, em xwediyê sînemaya Kurdî nînin, nizanîm çima ziman û hizra wan filman Kurdî nîne?"

Başê xwa bi zimanek din û kesek din nehateye darêtin, divê bi çî fikrekê be û qala çî tiştekê bikin ku bi gorî dilê Kek Fatih be? Gelo ma veguhastina ceribîna **Haliwod, Baliwod** û hizr û ramana welatên biyanî bo qada hunera Kurdî bi awayekî siqet û bi zor nîşandana bi xelkê dibe filma Kurdî? Yan di cihêkî din de xwazyarê guherîna ramana derhênerên Kurd e li ast rastiyan û zirûfa niha ya Kurdistanê. Ku nizanîm rastî xêncî wê ku dujiminan kirine bi behra xwînê û goristan, hejarî û destkurtiyê jî pêşiya xelkê girtiye yan jî kasibkarek ji bo destveanîna pariyek nan canê xwe ji dest dide. Yan jî bi sedema hisara mayînan ku her rojê dest û pêyê kesekê/î difirîne û roj nîne ku bûyerek dilêş lê çê nebe, çî tiştek din heye ku sînemakar ji çevê kamerayê ve nîşana dunyayê bidin? Neteweya Kurd di vê qonaxê de jî hêj li pey nîşandana şonas û nasnameya xwe de ye, em meraqa xwe nasandinê dikin, heya ku pirs û meseleyên biyanî û derveyî me, eva xwexelîtandin û dem hederdan e.

Kek Fatih dîsan rûyê axavtina xwe dike ser Behmen Qubadî, derheqî destkevt û serkevtinên wî yên cîhanî ku di festîvalên hundirîn û navneteweyî de bi dest xistine.

Dibêje: "Bi raya min ew destkevt armancek din li pişt heye ku li vir de ez naxwazim bi tu awayekê qala wê bikim". Vir de nerasterast Kek Behmen Qubadî bi vê tawanbar dike ku armancek din heye û

raman û bîrek din li pişt de sekinî ye. Wate ji aliyê kes yan aliyek din ve tê haydan û jêre tê diyarîkirin ku xêncî Kek Fatih, tu kesek din agehdarê vê sîrrê nîne û naxwaze rexneya xwe jî bi eşkere bîne ziman û vê sîrr û tişta nepenî û veşartî eşkere bike heya ku hemû xelkê Kurdistanê jî jê haydar bibin. Ez wekî xwe li gel wê rayê de ninim ku divêt em tenê pesna kesayetiyan karîzma û bijardeyên xwe bikim û şaşî û kêmasiyên wan berçav negrin û rexneyê ji wan negrin. Belkî ger em rexneyê ji wan digrin, divêt li gor belge û faktên diyar û lojîkiyane bin, ne eva ku ji xwe re em kesayetiya xelkê yan kesekê/î teror bikin û karên hunerî û xebatên dilsozane yên wî/ê piştguh û mandel û heta wî/ê tawanbar jî bikin.

Ev kultura li nava hinav, hundir û li saykolojiya Kurdistan de ye ku dahênan û afirandina bijardeyên xwe bi kêma dizanin, biyanîyan hembêz dikin û bi bejna wan de dixwînin, fikr û ramana wan jî dikin bi rêbaza xwe û derbasbûn û ladan ji wê jî guneh û tawan dizanin.

Başê meger Behmen Qubadî ew kesên ku di warê sînemayî de destkevtên cîhanî bidest xistine, ji bilî nasandin û nîşandana êş, azar, belengazî û bedbextiya gelê Kurd bi cîhan û bîr û raya giştî armancek din jî hebûne ku li cihê destxweşî û xelatkirinê dibe kincên buxtan û tawan li wan bikin.

Kek Fatih dibêje: cihê keyfxweşî û rizamendiya neteweya Kurd e ku Kurdek di asta navneteweyî de dikare bi baştirîn awa û metodê xwe derxîne. Divêt em bibêjin ku Kek Behmen Qubadî xwe nedaye nasîn, ji ber ku azar, xem û janên neteweyek 40 milyonî li ser destê xwe û ji rêya lîstikvanîyê nîşanî dunyayê daye, ji rêya zarokan ve kek Fatih bi xwe jî alîgirê mafê wan e û mijûlê karê perwerdehiyê ye û di vî warê de şareza û pispor e, di hemû filmên Qubadî de ekterên sereke, ektîv û rola sereke jî dilîzin. Qubadî wijdanên nivîstî hişyar kirin û civaka mirovahiyê hejand ku çendîn xelatên navneteweyî jî wergirtine. Wî hewceyî bi xwe derxistin û xwe mezinkirinê nin e, çunku her yekem filma sînemayî ya Kurdî têra xwe navhatî bi dunyayê da nasandin. Na, belkî eva ramana Kurdane, azadîxwazane û mirovdostane ya Behmen Qubadî ye wî hay dide ku kameraya xwe bavêje ser milê xwe û dîr ji pirs û hela hela ya nav bajarên de, li nava gund û li ser sînorên têldirîkirî û li nava qadên mayînan de wêne û rûçîkek bihest û balkêş ji neteweya Kurd nîşan dide ku bala festîvalên navneteweyî û navendên akademîk yên zanistî û sînemayî bo aliyê xwe û doza Kurd rabikişîne û wijdanên nivîstî hişyar bike. Bi awayekê ku kesayeti û pêgehek cîhanî û hunerî da Behmen Qubadî û di çendîn festîvalên navneteweyî yên sînemayî de kirin bi dadvan û zêrevan. Birêz Fatih Salihî di doma hevpeyvîna xwe de li cihêkê dibêje: "Kek Behmen karî bi awayekî herî baş xwe nîşan bide, lê bi gorîkirina neteweya xwe". Lê bila Kek Fatih bersiva vê pirsîyarê bide ku tevlihevîkirin û

veşartina rastiyan di çî nirxekê û li pêxema çî de? Tu kes û aliyek bi rexneya usûlî, bingehîn û zanistî naşikêt, belkî dibe sedema pêşketina wî/ê. Lê piştguh avêtin, girîngînedan û înkarkirina karên dilsozane, bêqîmet nîşandana hunerê, tawanbarkirin û şikandina kesayetiya xelkê, dûr e ji exlaqê rexnegirî û karê rojnamevaniyê, herwiha bêdengî li hemberî vê qezawet û daweriya bêbingeh de kemkarî û xemsaî ye li hemberî huner û kultura neteweyekê.

Kek Fatih îdia dike ku Behmen Qubadî bi êş, azar, belengazî û hejariya gelê Kurd re bo xwe nasandinê dan û standin û bazerganî kiriye, ku hevoka han cihê helwest û heyrîmanê ye! Divêt em bibêjin ku Kek Behmen ne tenê bi vî awayî nelivî ye, belkî sînor û ew taboya bitirs şikand, êş û azarên neteweyek zulmlêkirî jî ji bêdengiyê rizgar kir û ronasanek lidarxist ku bi xwe bûye xwendingehêk sînemayî.

Baş e meger baskirin ji rastiyan civaka

em bêjin herdem, qonax û serdemek çand û hunerê berhem tine, bi hebûna wan hemû jan, azar û pirsên siyasî û civakî yên borî û niha yên Kurdistanê, gelo ma çê dibe ku bihê û bas ji eşqeke fantezî ya li navbera keç û kurekê li nava bajarên de bike? Meger mijar û hêvênê hewce û bi hestir ji wana ku Kek Behmen bi bedevî destnîşan kirine û anîne berbas, li holê de ninin? Li beşek din ji axavtinên wî derheq Behmen Qubadî de, bi xatircemî ve dibêje: "ger ez bixwazim tenê li warê sembolîk ve filma **"Kusî jî dikarin bifirin"** şirove bikim, bêguman hûn dê bi nirxandina xwe de li hemberî Behmen Qubadî tûşî dudiliyê bibin".

Ez bawer im niha şûnde ger Kek Fatih bihê û li ser berhem û kesayetiya her bijarde û rewşenbîrekê destê xwe bavêje qelem, dê raya hemû xelkê Kurdistanê Îranê û heta cîhanê jî dê li ser wî kesî/ê bê guherîn.



Kurdistanê şerm e yan tawan? Ku Kek Fatih wan tawan dide Kek Behmen û dibêje di filma "demek ji bo Hespên serxweş" de Kurd vegeandine asta hovên Amazonê. Ji ber ku divêt em bibêjin ku eva Kek Fatih e ku neteweya Kurd bi hovên Amazonê dişibîne. Çi cihek ji wê filmê û kîjan wêne û sêkansa wê filmê dûr e ji rastiyan civaka Kurdistanê? Kek Fatih karê sînemakar û derhênerê şovenîst yên ne Kurd ku kultura neteweya Kurd ji xwe kirine hêçetek ji bo xwe nîşandan û xwe nasandinê, ji filmên Kek Behmen pê baştir e. Gelo eva ye xelat û padaşa xortekî dahêner û hizirvan yê Kurd ku xem û azarên neteweya wî jêre bûne hêvî û wekî bi xwe dibêje: "hemû filmên min li ser hev nabin bi 10 demjimêr", başe ma dîroka belengazî û azarên neteweyek bindest û çewisandî ku her çirkeyek ji wê, filmekê hildigre, ka dê bi 10 demjimêran bihê nîşandan? Kek Fatih destnîşan ne kiriye ku divêt Kek Behmen çawa bifikire û li karên hunerî û sînemayî yên xwe de divêt çî tiştekê bike janr ji bo karkirinê. Belkî ew hatiye û tevî sînemaya **Haliwod** û **Baliwodê** dinirxîne ku ji du civakên bi tevahî ji hev cuda de dijîn. Divêt

Kek Fatih bi xwe jî baş dizane ku niha nêrîna xelkê Kurdistanê, Îran û heta cîhanê jî li ser kesayetiya Behmen Qubadî û karên sînemayî yên wî çawan e. Kek Fatih bi eşkere dixwaze nêrîn û dîtina civaka Kurdistanê li hemberî Kek Behmen û hunera wî de biguherîne, û daxwazê ji Kek Behmen û derhênerên Kurd dike raya xwe bi nîsbet rastî û zirûfa niha ya Kurdistanê biguherînin, lê nabêje çawa bifikirin.

Di dawiyê de vê hêviyê dixwaze, vêca nizanîm ka ew xwaziya wî ji dil tê yan na, belkî Kek Behmen bibe xwediyê xelata Oskar, lê bi mercê ku wekî xwe û ji bo Kurd bifikire, ku dîsan jî tawan û tometek din li wî hunermendê dilsoz û mirovdost dide û li gor îdeayên navhatî, divêt Kek Behmen bi pîjîkê aliyekê kar bike û bir û ramana wî jî hatibe qorixkirin û ji bo neteweyek ne Kurd bifikire ku eva jî hilgirê mijarek pir ji pirsgirêk e. di dawiyê de ez hêvî dikim Kek Fatih Salihî rexneyên min bi dilek vekirî bipêjirîne û carek din jî bi çavê wijdanê ve mêzeyî gotinên xwe bike û çavên xwe jî li hemberî rastiyan de nemiqîne, hêviya serkevtinê jêre dixwazim.

Koça Dawiyê Ya Endamekî PDK Îranê Li Urmîyê

Roja 23.04.1386 (14.07.2007)ʼan, endamekî PDK Îranê bi navê Fexredîn Husênî, kurê Mihemedseîd, temen 28 salî û yê gundê Rajan a derdora Urmîyê, li nêzikî gundê Xoşeko ya



Tirgewer, bi sedema lihevdana otombêlan bi giranî birîndar dibe û mixabin piştî çend seetan jiyana xwe ji dest da.

Hêjayî gotinê ye ku Fexredîn yek ji endamên biemeg û çalak yê PDK Îranê bû. Em jî li ser navê Malbata Weşana Agirî û tev Kadro û Pêşmergeyên PDK Îranê, serxweşiya xwe pêşkêşî kes û karên Fexredîn Husênî û xelkê gundê Rajanê dikin û xwe di xem û taliyên wan de şîrik dizanin. Riha wî bi bihiştê berîn şad be

Hejmara Nû Ya Kovara Werzî Ya "Tîşk" Çap Û Belav Bû



Di van rojan de, hejmara nû (19) a kovara werzî ya "Tîşk" ku Komîsyona Perwerde û Lêkolînê ya PDK Îranê diweşîne, çap û belav bû.

Kovara "Tîşk" ku kovarek siyasî û ronakbîrî ya giştî ye, di vê hejmara xwe de babet û gotarên jêre bixwe girtine:

Peyva Hejmarê, Lênihêrînek li ser wateya berjewendîya neteweyî, axavtina Rojhilatnasiyê, demokrasî biha û piratîka wê, bask li dor polîtîka, nasyonalîzma Erebi, Faşîzm û geşekerina werzişê.

Em jî weke Malbata Weşana Rojnameya Agirî, destxweşiyê dibêjin tev xebatkarên kovara "Tîşk", berpîrs, Kadro û Pêşmergeyên Komîsyona Perwerde û Lêkolînê ya PDK Îranê û hêviya serkevtinê di kar û xebatê de ji wan re dixwazin.

Hêjayî gotinê ye ku hebek ji kovara han ji aliyê komîsyona navhatî ya PDK Îranê ve, pêşkêşî pirtûkxaneya Desteya Nivîskar a Agirî, hatiye kirin.

Kevintirîn Dengbêjê Kurd Li Dêrsimê Çû Ber Dilovaniya Xwedê



Li Bakurê Kurdistanê bajarê Dêrsimê, kevintirîn dengbêjê Kurd **Fêrik Dede** di 106 saliya xwe de jiyana xwe ji dest da.

Fêrik Dede ji Ovacika girêdayî Dêrsimê bû û pîrekî Derwêş Cemal bû. Ji bo dermankirinê ew roja 10'ê Tîrmehê birin Stenbolê, li wir di 106 saliya xwe de li nexweşxaneyê çû ser dilovaniya xwe.

Bo Cara Yekemîn Îraq Di Kopa Asiyayê de Bû Şampiyon



Roja yekşem, 29.07.2007'an, taqima Futbolê ya Îraqê di lîstika dawîn bo şampiyoniyê derkete hemberî taqima Erebestana Seûdî.

Taqima Îraqê di lîstikeke pir xurt de karî bi lêdana goleke bi ser taqima Erebestanê de bi ser keve. Gol li deqîqa 70'an de, bi pêyê lîstikvanê Îraqê, Yûnis Mehmûd hat lêdan.

Hêjayî gotinê ye ku taqima Îranê îsal gellek bi lawazî derket û li qonaxa yek heştem de bi taqima Koreya Başûr re dorand. Eva jî bûye cihê nerazîbûna xelkê Îranê û aligirên vê sporê. Werziya Îranê jî li vê qonaxê de wekî gellek carên berê bûye goriyê kirîz û danûstandinên siyasî.

Hewce ye were gotin ku di dîroka Kopeya Asiyayê de eva cara yekemîn e ku Îraq dibe şampiyon û taca serkevtinê li ser dike. Serkevtina han li warê siyasî ve jî dikare mînakek gellek serkevtî û bi bandor be bo aşî, aramî û yekbûna niştîmanî li wî welatê de.

Mezintirîn Banka Almaniyayê Pêwendiyên Bazirganî Yên Xwe Tevî Îranê Qut Kir

Banka **Doyçe** ya Almanî ku mezintirîn kerta taybetî ya wî welatî ye û yek ji dewlemendtirîn bankên Ewropayê ye, dawî bi hemû têkiliyên xwe tevî Îranê anî.

Berpirsiyarên bank ragihandin ku ew tenê ji ber sedemên siyasî pêwendiyên bazirganî yên xwe bi Komara Îslamî re qut dikin.

Biryara han li çarçoveya biryara 1747'an a Konseya Ewlekarî ya Neteweyên Yekbûyî li dijî Îranê de tê û gellek ji bankên Ewropî ji tîrsa daxistina nivîsingehên xwe li Amerîkayê de, têkiliyên xwe bi Îranê re qut kirine.

Bo mînak em dikarin îşare bi çend bankên navdar ku pêwendiyên xwe bi Îranê re qut kirine, wekî: Banka Komirzya Almanî, Bîrtînz Bar Kilob a Bîrîtanîyayî, Soşît Cinral a Fîransî, Kirdîl Sosîs Giropî û her du bankên navdar yê Holandî **USB** û **ABN** bikin.

Li Hewlêrê Zarokê 2 Serî, 3 Dest û 3 Ling Ji Dayîk Bû



Avesta-Li nexweşxaneyêke Hewlêrê li Başûrê Kurdistanê zarokê bi 2 serî, 3 ling û 3 destan ji dayîk bû. Zarok di dema zayînê de mir.

Li ser bûyerên bi vî awayî lêkolînên pîzîskî derxistine ku çêbûna zarokên bi vî awayî, di destpêkê de, dema pîtandina hêkdanên dayîkê û gehîştina du sperman di heman dem de bo nav rehîma dayîkê rû dide û haletê normal e. Her weha ew zarok dema ji dayîk dibin hin ji wan dijîn û piştê bi rîya ameliyatê ji hev tînd cudakirin, lê egera jiyana wan jî li piştî ameliyatê kêmtir e, loma Kurdistan jî bêpar nîne ji bûyerên bi wî rengî.

Doktorêkî Çavê Hunermend Gulbiharê Kor Kir



Piştî ku ava spî dikeve ser çavê rastê yê hunermenda dengxweş Gulbiharê, ew diçe ser doktorê çavan, Arif Yûnis.

Doktor Arif bi şaşîtiyêke operasyonê, çavê wê kor dike.

Li gorî malpera Avestayê, Gulbiharê daye zanîn, piştî ku hinek av dikeve ser çavê wê yê rastê, ew diçe nexweşxaneyê Azadî, lê ji ber zehmetiya bîrokasiya nexweşxaneyê, ew vedigere Duhokê cem Dr. Arif Yûnis, li wir jî li nexweşxaneyêke taybetî de dikeve bin kêra operasyonê.

Operasyon bi ser nakeve û doktor jêre dibêje çavê te kor bû û here li Hewlêrê çareyekê bibîne.

Tîrsa wê yekê heye ku korbûna çavê Gulbiharê bibe pençêşêr.

Gulbihar ji Hikûmeta Herêma Kurdistanê daxwaz dike ku alîkariya wê bike.

Destêwerdan li kar û barên Îraqê de ne karê me ye, Amerîka sedema bingehîn ya teqîn û aloziyan e

